



Халқ сўзи

Ўзбекистон – келажаги буюк давлат

2023 йил – ИНСОНГА ЭЪТИБОР ВА СИФАТЛИ ТАЪЛИМ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2022 йил 27 декабрь, № 276 (8338)

Сешанба

Сайтимизга ўтиш учун QR-кодни телефонингиз орқали сканер қилинг.



ЎЗБЕКИСТОН РЕСПУБЛИКАСИ ПРЕЗИДЕНТИ МДХНИНГ НОРАСМИЙ САММИТИДА ИШТИРОК ЭТДИ



Ўзбекистон Республикаси Президенти Шавкат Мирзиёев 26 декабрь куни Санкт-Петербург шаҳрида Россия Федерацияси Президенти Владимир Путин ташаббуси билан ўтказилган МДХ давлатлари раҳбарларининг норасмий учрашувида иштирок этди.

Саммитда Озарбайжон Республикаси Президенти Илхом Алиев, Беларусь Республикаси Президенти Александр Лукашенко, Қозоғистон Республикаси Президенти Қосим-Жомарт Тоқаев, Қирғиз Республикаси Президенти Садир Жапаров, Тожикистон Республикаси Президенти Эмомали Раҳмон, Туркменистон Президенти Сердар Бердимухамедов ва Арманистон Республикаси

Бош вазири Никол Пашинян ҳам қатнашди. Жорий йилдаги ҳамкорлик яқунлари сарҳисоб қилиниб, бўлажак 2023 йил учун устувор вазиғалар муҳокама қилинди. Минтақавий ва халқаро аҳамиятга молик долзарб масалалар юзасидан ҳам фикр алмашилди. Бугунги кунда Ўзбекистон МДХ доирасидаги ҳамкорликни уч йўналишда: сиёсат ва хавфсиз-

лик борасида, иқтисодий ва гуманитар соҳаларда ривожлантирмоқда. МДХ маконида тўлақонли эркин савдо худудини шакллантириш ва транспорт жиҳатидан ўзаро боғлиқликни мустаҳкамлаш устувор вазиғалардир. Саноат кооперациясини чуқурлаштириш, озиқ-овқат, энергетик ва экологик хавфсиз-

ликни таъминлашга қаратилган миллий дастур ва стратегияларни амалга ошириш бўйича сай-ҳаракатларни бирлаштиришга алоҳида эътибор қаратилмоқда. Кейинги йилларда Ўзбекистон Ҳамдўстлик фаолиятидаги иштирокини фаоллаштирди, 40 дан ортиқ кўп томонлама битимларни имзолади ҳамда МДХнинг 23 та тармоқ органларига қўшилди.

2022 йилда Ўзбекистоннинг Ҳамдўстлик мамлакатлари билан товар айирбошлаши учдан бир хиссага ортиди, 1 мингдан зиёд қўшма корхоналар ташкил этилди.

Ў.А.

Ўзбекистон Республикаси Президенти Матбуот хизмати сурати.

Ўзбекистон Республикаси Президентининг ҚАРОРИ

ГИМНАСТИКА СПОРТ ТУРЛАРИНИ ЯНАДА РИВОЖЛАНТИРИШ ЧОРА-ТАДБИРЛАРИ ТЎҒРИСИДА

Аҳоли ўртасида гимнастика спорт турлари (спорт гимнастикаси, бадий гимнастика, трамполин, акробатика) оммавийлигини ошириш, ёшлар орасидан иқтидорли спортчиларни саралаб олиш тизимини такомиллаштириш, халқаро талаб ва стандартлар асосида профессионал спортчиларни тайёрлаш орқали миллий терма жамоаларимизнинг нуфузли мусобақаларда юқори натижаларга эришишини таъминлаш мақсадида:

1. Куйидагилар гимнастика спорт турларини ривожлантиришнинг асосий йўналишлари этиб белгилансин:

аҳоли ўртасида гимнастика спорт турларининг оммавийлигини ошириш, иқтидорли спортчиларни аниқлаш, танлаш ва саралаш (селекция) ҳамда уларни профессионал спортчилар сифатида тайёрлашнинг янги тизимини йўлга қўйиш;

мактабгача ёшдаги болаларнинг гимнастика спорт турлари билан шуғулланиши учун кенг имкониятларни яратиш ва уларда ушбу спорт турлари бўйича бошланғич кўникмаларни шакллантириш;

умумий ўрта таълим мактабларининг жисмоний тарбия дарсларида гимнастика спорт турлари бўйича машғулотлари босқичма-босқич кўпайтириш ҳамда машғулот ва тўғарақлар фаолиятини тизимли йўлга қўйиш; гимнастика спорт турлари бўйича профессионал тренерлар, малакали ҳакамлар ва мутахассисларни тайёрлаш, ўқув-услубий қўлланмалар ҳамда видеоматериаллар ишлаб чиқиш;

спорт-таълим муассасаларининг моддий-техника базасини мустаҳкамлаш, республикада гимнастика спорт турлари учун зарур бўлган спорт жиҳозлари ва инвентарларини ишлаб чиқаришни йўлга қўйиш;

қизлар ўртасида эрта ёшдан гимнастика спорт турларини оммалаштириш, бу борада узоқ йилларга мўлжалланган истиқболли режаларни ишлаб чиқиш ва амалга ошириш;

Олимпия ва Осиё ўйинлари, жаҳон ва Осиё чемпионатларига гимнастика спорт турлари бўйича миллий терма жамоа спортчиларини тайёрлаш дастурларини янада такомиллаштириш;

(Давоми 2-бетда).

Ўзбекистон Республикаси Президентининг ҚАРОРИ

САМАРҚАНД ВИЛОЯТИНИНГ ТУРИЗМ ВА ТРАНСПОРТ САЛОҲИЯТИДАН САМАРАЛИ ФОЙДАЛАНИШ, ВИЛОЯТНИ «САМАРҚАНД – ЯНГИ ЎЗБЕКИСТОННИНГ ТУРИЗМ ДАРВОЗАСИ» КОНЦЕПЦИЯСИ АСОСИДА РИВОЖЛАНТИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

Самарқанд вилоятига хорижий ва маҳаллий туристлар оқими кўпайтириш, янги туризм инфратузилмаси объектлари салоҳиятидан самарали фойдаланиш учун зарур шарт-шароитларни яратиш, шунингдек, янгидан модернизация қилинган Самарқанд халқаро аэропортида хорижий авиаташувчи компаниялар учун барча имкониятларни яратиш, худуднинг транспорт-логистика тизимини ривожлантириш, кўрсатилаётган хизматлар сифатини янада яхшилаш ва диверсификация қилиш мақсадида:

1. 2021 йил 30 ноябрь — 3 декабрь кунлари Испания Қироллигининг Мадрид шаҳрида бўлиб ўтган БМТнинг Бунғажон туризм ташкилоти Бош Ассамблеясининг 24-сессиясида 2023 йилда Бош Ассамблеянинг навбатдаги 25-сессиясини Самарқанд шаҳрида ўтказиш белгилангани маълумот учун қабул қилинсин.
2. Туризм ва маданий мерос вазирлиги, Транспорт вазирлиги, Иқтисодий тараққиёт ва

(Давоми 2-бетда).

Сенат ялпи мажлиси олдидан

БЮДЖЕТ ВА СОЛИҚ СИЁСАТИДАГИ ЎЗГАРИШЛАР МУҲОКАМА ҚИЛИНДИ

Олий Мажлис Сенатининг Бюджет ва иқтисодий ислохотлар масалалари қўмитаси йиғилишида юқори палатанинг навбатдаги ялпи мажлисида кўриб чиқишлири режалаштирилган қатор масалалар таҳлилдан ўтказилди. “2023 йил учун Ўзбекистон Республикасининг Давлат бюджети тўғрисида”ги қонун ана шулардан биридир.



Ўзбекистон Республикаси Олий Мажлиси Сенатининг ўттиз олтинчи ялпи мажлиси очилиши тўғрисида

Ўзбекистон Республикаси Олий Мажлиси Сенатининг ўттиз олтинчи ялпи мажлиси 2022 йил 27 декабрь куни соат 10:00 да Тошкент шаҳрида Олий Мажлис Сенатининг мажлислар залида ўз ишнини бошлади. Ялпи мажлис видеоконференцалоқа тарзида жорий йилнинг 27-28 декабрь кунлари ўтказилиши режалаштирилган. Ялпи мажлис Сенатнинг “YouTube” тармоғидаги саҳифаси орқали тўғридан-тўғри ёритиб борилади.

Ўзбекистон Республикаси Олий Мажлиси Сенатининг Ахборот хизмати.

Олий Мажлис Қонунчилик палатасида ФРАКЦИЯЛАР ЎЗ ПОЗИЦИЯСИНИ БЕЛГИЛАБ ОЛДИ

Сиёсий партияларнинг Олий Мажлис Қонунчилик палатасидаги фракциялари йиғилишлари бўлиб ўтди. Уларда куйи палатанинг навбатдаги мажлиси кун тартибига киритилаётган бир қатор қонун лойиҳалари муҳокама қилинди.

Солиқ соҳасида қандай янгиликлар кутиляпти?

ЎзЛиДеП фракцияси йиғилишида депутатлар “Ўзбекистон Республикасининг Солиқ кодексига ўзгаришлар киритиш тўғрисида”ги қонун лойиҳасини кўриб чиқди. Фракция аъзолари қонун лойиҳасини муҳокама қилиш давомида партия позициясидан келиб чиқиб лойиҳани янада такомиллаштириш бўйича бир қатор таклифлар берди. — Тадбиркорлик қанча ривожланса ва фойда кўрса,

мамлакатга шунча кўп инвестиция киритади, — деди Олий Мажлис Қонунчилик палатасидаги ЎзЛиДеП фракцияси раҳбари А. Хайтов. — Ушбу ҳужжат лойиҳасининг қабул қилиниши солиқ тизимини такомиллаштириш, шу асосда бизнес муҳитини яхшилаш борасида амалга оширилаётган ислохотларнинг ҳуқуқий базасини янада мустаҳкамлайди.



Франциядаги машҳур Лувр музейида шу кунларда давом этаётган миллий кўргазма халқимизнинг ноёб тарихий мероси, бетакрор маданияти ва анъаналарига хорижда қизиқиш қанчалик юқори эканини кўрсатмоқда. Бундай тарихий ва маданий бойликларимизни ёшларимизга ва хорижий туристларга янада кенгроқ таништириш, музейларни замон талабларига мослаштириш бўйича алоҳида дастур амалга оширилади.

Нуктаи назар

ЯНГИ ЎЗБЕКИСТОН РЕНЕССАНС МУЗЕЙИ

ХАЛҚИМИЗНИНГ НОЁБ ТАРИХИЙ МЕРОСИ, БЕТАКРОР МАДАНИЯТИ ВА ИЛМ-ФАН ЮТУҚЛАРИНИНГ ЧИНАКАМ КЎЗГУСИГА АЙЛАНДИ

Ўртимиз ижтимоий-сиёсий ва иқтисодий ҳаётидаги муҳим воқеа — Президентимиз Шавкат Мирзиёевнинг Олий Мажлис ва Ўзбекистон халқига йўллаган Мурожаатномаси юртдошларимизнинг эртанги кунга, барқарор тараққиётга ишончини янада мустаҳкамлади. Бинобарин, унда ҳозирги гоёт мураккаб ва синовли даврда мамлакатимизда қўлга киритилган ютуқлар сарҳисоб қилиниб, ривожланишнинг навбатдаги босқичига қадам қўйишда муҳим аҳамиятга эга бўлган устувор вазиғалар белгилаб берилди.



